



孟河費伯雄先生著

名醫
斷句
醫方
論
題
潘
農



上海
中國
文學
書局
印行

民國三十年二月重版

全書一冊

▲定價國幣八角五分

大醫方論
斷字句

原輯者 孟河費伯雄

斷句者 梁溪王有聲

出版者 上海中國文學書局

總發行所 上海大新書店

分發行所 全國各大書局

自序

欲救人而學醫則可欲謀利而學醫則不可我若有疾望醫之救我者何如我之父母妻子有疾望醫之相救者何如易地以觀則利心自澹矣利心澹則良心現良心現斯畏心生平時讀書必且研以小心也臨症施治不敢掉以輕心也夫而後以局外之身引而進之局內而痛癢相關矣故醫雖小道而所係甚重略一舉手人之生死因之可不儆懼乎哉近年以來疊遭兵火老成多半凋殘學醫者紛紛日起吾恐其無有師承而果於自用也故於拙刻醫醇臈義中先標一醇字此非不求有功但求無過之謂若僅如是是淺陋而已矣庸劣而已矣何足以言醇乎吾之所謂醇者在義理之的當而不在藥味之新奇如仲景三承氣湯頗爲峻猛而能救人於存亡危急之時其峻也正其醇也此吾之所謂醇也夫學難躡等而法有正宗初學者此法成就者亦此法先後共此一途行遠自邇不惑於他岐如是而已矣第書籍散失學者難於博觀而約取之鄉曲之士每以醫方集解一書奉爲枕秘甫經臨症輒檢用之殊不知集中可用之方固多而不可用者亦不少漫無別擇草菅人命矣茲於所集各方之後逐加評論蓋欲爲初學定範圍非敢爲高明下針砭也且欲學者澹其謀利之慾發其救人之心猶前

醫方論序

二

志云

同治四年十月武進費伯雄晉卿甫題於古延陵之寓齋

發凡

- 一 是編專爲初學而設但取醫方集解所選之方逐一評論其餘概不旁及
- 一 是編但載一方一論與原書對看自明其主治與註釋一概不錄以歸簡便
- 一 學醫而不讀靈素則不明經絡無以知致病之由不讀傷寒金匱則無以知立方之法而無從施治不讀金元四大家則無以通補瀉溫涼之用而不知變化集解所選之方原以仲景及四家爲宗其餘所收者不過張王許錢嚴陶數人而已本未嘗博採羣書也然於此而得其醇化其偏觸類引伸亦可以無大過有志之士欲求更上一層則自有由博反約之法在
- 一 雄以駑駘下質何敢以管窺之見妄議古人然欲爲初學折衷一是則僭妄之罪所不敢辭

醫方論卷上

武進費伯雄晉卿甫著

男應蘭編次

孫承祖

校字

紹祖

無錫

王有聲

重校

六味地黃丸

地黃砂仁酒拌九蒸九晒八兩

山茱肉酒潤

山藥四兩

茯苓乳拌

丹皮三兩

澤瀉三兩

蜜丸

此方非但治肝腎不足。實三陰並治之劑。有熟地之膩補腎水。即有澤瀉之宣洩腎濁以濟之。有萸肉之溫瀦肝經。即有丹皮之清瀉肝火以佐之。有山藥收攝脾經。即有茯苓之淡滲脾濕以和之。藥止六味而大開大合。三陰並治。洵補方之正鵠也。

附桂八味丸

熟地八兩

山茱肉四兩

山藥四兩

茯苓三兩

丹皮三兩

澤瀉三兩

附子一兩

肉桂一兩

蜜丸

附桂八味。爲治命腎虛寒之正藥。亦導龍歸海之妙法。然虛陽上浮。火無所附者。必於脈象細參。或脈洪大。而重按甚弱。或寸關洪大。而兩尺獨虛細者宜之。否則抱薪救火。必成燎原之勢矣。

知柏八味丸

大熟地八兩

山茱肉四兩

山藥四兩

茯苓三兩

澤瀉三兩

牡丹皮三兩

知母二兩

黃柏二兩

蜜丸

知柏八味。雖云壯水制火。究竟苦寒太過。徒傷胃氣。水亦無以滋生。不如用介類潛陽生津益髓之法爲妥。或腎有邪火。強陽不痿等症。可以暫用。

七寶美髯丹

何首烏赤白各一觔去皮切片黑豆拌九蒸九晒

白茯苓乳拌半觔

牛膝酒浸同首烏第七次蒸至第九次

當歸酒洗

枸杞酒蒸

菟絲子酒浸蒸各半斤

破故紙黑芝麻同拌炒四兩

蜜丸

此溫補命腎。兼攝納下元之劑。地黄補腎中之陰。首烏補腎中之陽。各爲君藥。不可合併。用各有當也

還少丹

熟地 二兩

山藥 一兩
五錢

牛膝 酒浸一兩
五錢

枸杞 酒浸
兩半

山茱肉

茯苓 乳拌

杜仲 薑汁炒

遠志 去心

楮實 酒炒

五味子 炒

小茴香 炒

巴戟天 酒浸

肉蓯蓉 酒浸一兩

石菖蒲 五錢

加棗肉蜜丸

此方以溫補脾腎爲主。參以潤肺金而通山澤。用意極佳。微嫌遠志菖蒲二味。開透太過。與羸乏盜汗等症不宜。不如酌用丹參柏仁之類爲妥

黑地黃丸

蒼朮 酒浸

熟地黃 一觔

五味子 牛觔

乾薑 春冬一兩 秋
七錢 夏五錢

棗肉蜜丸

此方去脾濕。潤腎燥。極爲老潔。然濕勝者爲宜。血虛者。尙宜酌量加減。
虎潛丸

黃柏 鹽酒炒

知母 鹽酒炒

熟地黃 三兩

虎脰骨 酥炙一兩

龜版 酥炙四兩

瑣陽 酒潤

當歸 酒洗一兩五錢

牛膝 酒蒸

白芍 酒炒

陳皮 鹽水潤二兩

羯羊肉 酒煮爛搗丸 冬加乾薑一兩

虎潛丸 息肝腎之虛風。風從虎。虎潛則風息也。惟知柏苦寒。用以洩腎經之邪火則可。若謂補腎滋陰。則予不以爲是。不如用枸杞等類爲佳。

天真丸

精羊肉七觔去筋膜脂皮
批開入下藥末

肉蓯蓉

山藥十兩

當歸酒浸十二兩

天冬一觔

爲末安羊肉內縛定用無灰酒四餅煑令酒乾入水二斗煑爛再

入後藥

黃耆五兩

人參三兩

白朮二兩

爲末糯米飲作餅焙乾和丸溫酒下

此用血肉有情之品。以形補形。喜其不用地黃之滋膩。平調營衛。而不礙脾胃。故極爲妥善

三才封髓丹

天門冬

熟地黃二兩

人參一兩

黃柏酒炒三兩

砂仁一兩五錢

甘草炙七錢五分

麵糊丸用蓯蓉五錢切片酒一大盞浸一宿煎湯送下

此方治龍雷之火不安。夢遺走洩則可。若腎氣久虛。精宮不固者。豈得再用苦寒。斷宜補腎納氣之法爲是。

大造丸

紫河車一具

敗龜版二兩童便浸
三日酥炙黃

黃柏鹽酒炒

杜仲酥炙一兩五錢

牛膝酒浸

天冬去心

麥冬去心

人參一兩

地黃二兩茯苓砂仁
六錢同煑去之

夏加五味子酒煑米糊丸女人去龜版加當歸乳煑糊丸

方中用茯苓砂仁二味。製地黃最佳。但恐黃柏苦寒。傷損脾胃。漸致食少澆泄。則金氣更傷。此不可以不慮也。不如減去爲佳。

補天丸

紫河車一具

黃柏酒炒

龜版酥炙三兩

南杜仲薑汁炒

牛膝酒浸二兩

陳皮一兩

冬加乾薑五錢夏加炒五味子一兩酒糊爲丸

河車爲生人造命之原。用之以補先天。並非假後天以濟先天也。加減之法頗佳。但黃柏宜除去。

人參固本丸

人參二兩

天冬炒

生地

熟地四兩

蜜丸

此方治火旺尅金者爲宜若脾胃虛弱宜參用培土生金之法

參乳丸

人參末

人乳粉

等分蜜丸

平補氣血。一壯水之源。一益氣之主。後人兩儀膏。從此化出

天王補心丹

生地四兩酒洗

人參

玄參炒

丹參炒

茯苓一用茯神

桔梗

遠志炒五錢

酸棗仁炒

柏子仁炒研去油

天冬炒

麥冬炒

當歸酒洗

五味子炒一兩

蜜丸彈子大硃砂爲衣一方有石菖蒲四錢無五味子一方有甘草

此方原爲心血不足。怔忡健忘等症而設。故收斂之藥。不嫌太重。有桔梗載藥上浮。遠志開通心氣。二味已足。減去石菖蒲者爲是。否則開洩太猛。非虛人所宜也。

孔聖枕中丹

敗龜版酥炙

龍骨研末入雞腹煮一宿

遠志

九節菖蒲各等分爲末每服酒調一錢

體氣壯濁痰多者可服。若體氣不甚強者。當加歸芍丹參柏仁等。方可久服

大補陰丸

黃柏鹽酒炒

知母鹽水炒四兩

熟地酒蒸

敗龜版酥炙六兩

豬脊髓和蜜丸

此治陰火熾盛。以致厥逆者則可。至內傷虛熱。則斷不可用。

滋腎丸 又名通關丸

黃柏酒炒二兩

知母酒炒一兩

肉桂二錢

蜜丸

坎之爲象。一陽居二陰之中。故真陽奠安而不妄動。腎水大虧。不能制火。

飛龍上亢。故喘急而小便祕。此方用知柏以象二陰。用肉桂以象一陽。仍取坎卦之義。以通生化之原。意義極精。非尋常導龍歸海法也。

斑龍丸

鹿角膠

鹿角霜

兔絲子

柏子仁

熟地黃

等分爲末酒化膠爲丸一方加補骨脂一方加鹿茸肉蓯蓉陽起石附子黃芪當歸棗仁辰砂

鹿角兔絲。陰中之陽也。地黃陰中之陰也。用以補腎。不偏不倚。若加入陽起石辰砂等燥烈之品。則劫陰耗氣。全失立方之旨矣。

龜鹿二一仙膏

鹿角拾觔

龜版五觔

枸杞三觔

人參一觔

先將鹿角龜版鋸截刮淨水浸桑柴火熬鍊成膠再將人參枸杞熬膏和入每晨酒服三錢

峻補氣血。不寒不燥。又能益髓固精。誠補方中之最妙者也。

補火丸

石硫黃一觔

猪大腸三尺

將硫黃爲末實猪腸中爛煮三時取出去皮蒸餅爲丸如梧子大每服十丸
硫黃一味。道家尊之爲金液。蓋以硫黃爲火之精。其性純陽。丹經云。陰氣
一分不盡不仙。故學仙者。欲絕陰以歸純陽。必煉絕陰丹服之。以破除陰氣
。此道家燒煉之方。非尋常可用之藥。嘗見士大夫功名成就。妄想長生。燒
煉硫黃辰砂等物。按時服食。乃服之日久。無不腹脹面青。腸胃崩裂而死。
可不戒哉。若寒疫陰厥猝急之時。當病投之功效大而且速。又非尋常溫通之
藥所能及。學者宜善用之。

唐鄭相國方

破故紙

拾兩酒
燕爲末

胡桃肉

二拾兩去
皮研碎

蜜調如飴每晨酒服一大匙不能飲者熟

水調忌芸薑羊肉

本方加杜仲一觔生薑炒蒜四兩名青娥丸 本方加杜仲

胡盧巴小茴香草薺名喝起丸

喘與咳。由於痰隨氣升。腰脚痛由於氣不納腎。方中二味。溫腎納氣。則喘
咳自平。腰脚自強矣。青娥喝起二方。亦俱有意義。

二至丸

冬青子

即女貞實冬至日採不拘多少陰乾蜜
酒拌蒸過一宿粗皮擦去晒乾爲末

旱蓮草

夏至日採不拘多少搗
汁熬和煎爲丸

臨臥酒服一方加桑椹乾爲丸或熬膏和入
二至丸。取意甚佳尙嫌力量淺薄。加入天冬地黃人參。以三才合二至始爲得
力。

扶桑丸

嫩桑葉

去蒂洗淨晒乾一觔爲末

巨勝子

即黑脂麻淘淨四兩

將脂麻搗碎熬汁和蜜煉至滴水成珠入桑葉末爲丸

此卽世所謂桑麻丸也。去風明目。烏髭黑髮。頗爲有功。至稱駐顏益壽。則
譽之太過。殊爲失實矣。

參苓白瀉散

人參

白朮

土炒

茯苓

甘草

炒

山藥

陳皮

扁豆

炒

薏仁

炒

砂仁

桔梗

蓮肉

炒去心

爲末每三錢棗湯或米飲調服

此健脾和胃之正藥也。惟扁豆性劣宜減去。嘗見瘡愈之後。服扁豆者。無不
復發此可知也。

妙香散

山藥薑汁炒二兩

人參

黃芪

遠志炒

茯神

茯苓一兩

桔梗二錢

甘草二錢

木香二錢五分

麝香一錢

辰砂二錢另研

爲末每服二錢酒下

此方頗有作意。但參芪之固。終不敵麝香之開。誠恐耗散心氣。神不能藏。君火不安。相火亦動。以之開解驚悸鬱結則有餘。以治夢遺失精則不足。不如減去。加沉香琥珀等爲佳。

玉屏風散

黃芪炙

防風一兩

白朮炒二兩

爲末每服三錢

此固表去風藥。用以實表則可。若云加減即可代桂枝麻黃等湯。則表實而邪無出路。斷斷不可。此等議論。誤人不淺。必不可從。

四君子湯

人參

白朮土炒

茯苓二錢

甘草一錢

薑三片棗二枚

煎 本方加陳皮名異功散再加半夏名橘半六君子湯 加香附砂仁名香砂

六君子湯 本方加木香藿香乾葛名七味白朮散 本方除人參加白芍名三

白湯 本方合四物名八珍湯又加黃芪肉桂名十全大補湯

四君子湯。中正和平。爲補方中之金科玉律。至加減有法者。如異功散之理氣。橘半六君之去痰。香砂六君之溫胃。加竹瀝薑汁之治半身不遂。七味白朮散之去熱治瀉。均極妥善。三白湯治內傷尙可。若謂治外感亦爲奇方。則吾不信也。至於合四物爲八珍。增黃芪肉桂爲十全大補。用各有當。皆不可磨滅之良方也。

升陽益胃湯

黃芪二兩

人參

甘草炙

半夏一兩脈瀯者用

白芍炒

羌活

獨活

防風五錢

陳皮四錢

白朮土炒

茯苓

澤瀉

柴胡三錢

黃連二錢

薑棗煎

東垣論飢飽勞役。陽陷入陰。面黃氣弱發熱者。當升舉陽氣。以甘溫治之。此真卓識確論。爲治陽虛發熱者開一大法門。惟方中輒用升柴。恐上實下虛者。更加喘滿。在東垣必能明辨。常病而投。後人若執定此法。一概施之。則誤人不淺矣。

補脾胃瀉陰火升陽湯

黃芪

蒼木泔浸炒

甘草炙

羌活一兩

升麻八錢

柴胡一兩五錢

黃連酒炒五錢

黃芩炒

人參七錢

石膏少許

每服三錢或五錢

東垣十書。予最爲服膺。以其重脾胃。爲正法眼藏也。如此方中升柴黃連黃芩石膏等。皆非可輕投。後人但師其意。不泥其方可耳。

補肺湯

人參

黃芪蜜炙

五味子炒

紫苑一錢

桑白皮蜜炙

熟地一錢

入蜜少許和服

此方但爲肺氣久虛。以致咳嗽而設。其他咳嗽之症。不一而足不可混施。方中有補有瀉。用意亦佳。但桑皮紫苑之薄弱。豈能敵參芪熟地之滯膩。獨不慮助痰爲病乎。至謂熟地壯水。免得子盜母氣則可。謂爲化痰之妙品。則佐使正未合也。

百合固金湯

生地黃一錢

熟地黃三錢

麥冬一錢五分

百合

當歸

貝母

芍藥炒

生甘草一錢

玄參

桔梗八分

此方金水相生。又兼養血。治肺傷咽痛失血者最宜。李士材謂清金之後。急